



Doris J. Jensen  
Inatsisartunut ilaasortaq, Siumut

26-08-2019  
Suliap normua:  
Allakkat nr. 10941081

## Ilinniagaqarnersiutit pillugit § 37 naapertorlugu apeqqummut nr. 280-imut akissut

Postboks 1029  
3900 Nuuk  
Oqarasuaat: : +299 34 50 00  
Email: [ikin@nаноq.gl](mailto:ikin@nаноq.gl)  
[www.nаноq.gl](http://www.nаноq.gl)

Asasara Doris J. Jensen

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

**Apeqqut 1:** *Fiskeskipperinngorniat allallu ilinniartut ilinniagaqarnersiutaat 1. august 2019-imiit sooq 300 kr-nimik appartinneqarpat?*

**Akissut:** Aalisariutini naalaganngorniarluni ilinniarneq siusinnerusukkut ingerlaqqiffiusumik ilinniakkatut kukkunikkut inissinneqarnikuusimavoq. Aalisariutini naalaganngorniarluni ilinniarneq tunngaviusumik inuutissarsiummik ilinniagaavoq ilinniagarlu pineqartoq 1. august aallarnerfigalugu eqqortumut inissinneqarluni.

**Apeqqut 2:** *Ilinniakkat sorliit aamma eqqugaappat?*

**Akissut:** Ingerlaqqiffiusumik ilinniakkat tunngaviusumik inuussutissarsiummik ilinniaganngortillugit inissiinerini aalisariutini naalaganngorniat ilinniartinneqarnerat kisimi pineqarpoq.

**Apeqqut 3:** *Tunngaviusumik inuussutissarsionermik ilinniagaqartut aammalu ilinniarfinnut ingerlaqqittut ilinniagaqarnersiutaasa 300 kr-nimik nikinganerat sumik tunngaveqarpa?*

**Akissut:** Ilinniagaqarnermi tapiissutit annertussusaat 2019-imut Aningaasanut inatsimmi konto pingaarnermi 40.02.06 Ilinniarnermi tapiissutit meeqqanullu tapit oqaasertaliussa at neqarpoq.

Ilinniagaqarnermi tapiissutit assigiinngissinnaasarneri nutaajunngilaq.

Ilinniagaqarnermi tapiissutit assigiinngissinnaasarneri Ilinniagaqarnersiutit pillugit Inatsisartut peqqussutaat nr. 5, 14. novemberimeersup atuutilersinneqarnerata kingorna

pinngorput. Ilinniagaqarnersiutit pillugit Inatsisartut peqqussutaat nr. 5, 14. novemberimeersoq atuutsilersinneqanngikkallarmat Kalaallit Nunaata avataani ilinniagaqartut aammalu Iisimatusarfimmi ilinniagaqartut atuakkanik, paasissutissanik katersanik, allaatigisanit katersukkanik assigisaannillu pinngitsoorani pigisassanik pisinermut tapiisoqartarnikuuvoq. Ilinniagaqarnersiutit pillugit Inatsisartut peqqussutaat nr. 5, 14. novemberimeersoq aqutugalugu immikkut tapiissutaasartut taaneqareersut atorunnaarsinneqarput taarsiullugu ilinniakkani ingerlaqqiffiusuni ilinniagaqartut ilinniagaqarnersiutaat 7,1 %-imik qaffaaffigineqarlutik. Tamakkiisumik isiginnilluni taamanikkut ilinniarnermi tapiissutit pisariillisarneqarnissaat pitsanngorsaaffigineqarnissaallu siunertarineqarpoq.

**Apeqqu** 4: *Tunngaviusumik inuussutissarsiornermik ilinniagaqartut aammalu ilinniarfinnut ingerlaqqittut ilinniarnerninnut aningaasanik atorsinnaanerannut pinsinnaatitaaffii assigiinngillat, tamanna sumik tunngaveqarpa?*

**Akissut:** Taarsigassarsisinnaanissamut periarfissat assigiinngissinnaasarneri nutaarsiassaangilaq.

Taamaattorli ilinniagaqarnissamut piareersarluni ilinniagaqartut, inuussutissarsiutinut ilinniagaqartut kiisalu inuussutissarsiutinut sivikinnersumik ilinniagaqartut Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersup atuutilersinneqarnerata kingorna ingerlaqqiffiusumik ilinniagaqartut allat assigalugit ataasiarluni taarsigassarsisalernikuupput. Assigiinngissutaasoq tassatuaavoq ingerlaqqiffiusumik ilinniagaqartut semesterimut taarsigassarsianik aammalu ilinniagaqarnermi akiliutissamut taarsigassasisinnaalernikuunerat.

Ingerlaqqiffiusumik ilinniagaqartut semesterimut taarsigassarsisinnaalernerannut patsigineqarpoq ilinniakkani taakkunani ilinniakkamut atatillugu aningaasartuuteqarnerusarnerusarneri ilinniakkanut allanut sanilliullugit. Tamanna piareersarluni ilinniagaqartut aammalu inuussutissarsiutinut ilinniagaqartut atuakkanik .il.il. pingaarnertut akeqanngitsumik pissarsisinnaaneritut attuumassuteqartinneqarpoq.

Ilinniakkani ingerlaqqiffiusuni ilinniagaqartut ilinniagaqarnermi akiliutissamut taarsigassarsisinnaanerata eqqunneqarneranut patsisaasoq tassaavoq ilinniakkani ingerlaqqiffiusuni ilinniagaqarnermi akiliutissat ima annertutigisinnaasarmata ilinniagaqarnermi akiliutissat tapiissutigineqarsinnaasut annertunerpaaffissaanit aallaat annertunerusinnaasarlutik.

**Apeqqu** 5: *Taamaaginnassappat imal. allannguisoqarnissaa Naalakkersuisuni pilersaarutaava?*

**Akissut:** Maleruagassat pineqartut allanngortinnissaanik Naalakkersuisut pilersaaruteqanngillat.

Inussiarnersumik inuulluaqqusillunga



Ane Lone Bagger